



Broj:09-20-11-2-2440-I

Datum: 18.10.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14 i 59/22 ), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po ovlaštenju Vlade FBiH d o n o s i :

### ODLUKU

o izboru najpovoljnijeg ponuđača u postupku Javne nabavke reagenasa za aparate za DNA analize sa pripadajućim potrošnim materijalom za LOT - 1  
(Nabavka kitova i reagensa za aparate ABI 3500, RT-PCR ABI 7500, Quant Studio 5, PCR ABI 9700 i Veriti)

1. Dodjeljuje se Ugovor ponuđaču BIOSISTEMI d.o.o. Sarajevo za nabavku kitova i reagensa za aparate ABI 3500, RT-PCR ABI 7500, Quant Studio 5, PCR ABI 9700 i Veriti LOT-1, prema Ponudi broj: 23-012-000058 od 12.10.2023.godine i ukupnoj cijeni u iznosu od 136.001,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-2440 od 20.09.2023. godine.
4. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. Stav (6) Zakona o javnim nabavkama ("Službeni glasnik BiH", broj:39/14 i 59/22).
5. Za izvršenje Odluke zadužuje se Sektor za materijalno-finansijske poslove.

### OBRAZLOŽENJE

Federalna uprava policije je provela otvoreni postupak Javne nabavke reagenasa za aparate za DNA analize sa pripadajućim potrošnim materijalom za LOT – 1, nabavka kitova i reagensa za aparate ABI 3500, RT-PCR ABI 7500, Quant Studio 5, PCR ABI 9700 i Veriti, po Obavještenju o javnoj nabavci broj: 1412-1-1-262-3-121/23 od 26.09. 2023. godine objavljeno u "Službenom glasniku BiH" broj: 69/23, dana 06.10. 2023. godine

Dana 18.10.2023 godine, Komisija za provođenje otvorenih postupaka nabavke za 2023. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u postupku pregleda i ocjene ponuda utvrdila da je u predviđenom roku za dostavljanje ponuda za LOT- 1 (nabavka kitova i reagensa za aparate ABI 3500, RT-PCR ABI 7500, Quant Studio 5, PCR ABI 9700 i Veriti), pristigla jedna ponuda i to Ponuda ponuđača BIOSISTEMI d.o.o. Sarajevo broj: 23-012-000058 od 12.10.2023.godine sa ponuđenom ukupnom cijenom u iznosu od 136.001,00 KM bez PDV-a, koja je formalno-pravno ispravna i ispunjava uslove tražene tenderskom dokumentacijom, te je Komisija vodeći se uslovima propisanim tenderskom dokumentacijom i prema kriteriju najniža cijena tehnički zadovoljavajuće ponude konstatovala da je ponuda ponuđača BIOSISTEMI d.o.o. Sarajevo za ugovorni organ prihvatljiva i shodno članu 70., Zakona o javnim nabavkama Bosne i Hercegovine predložila donošenje Odluke o izboru najpovoljnijeg ponuđača za navedeno pravno lice, što je konstatovano u Zapisniku o pregledu i ocijeni ponuda od 18.10.2023.godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.

 **DIREKTOR**  
(po ovlaštenju Vlade FBiH)  
**GLAVNI INSPEKTOR**  
**Vahidin Munjić**

Dostaviti:

- Sektor za mat. fin. poslove
- ponuđačima
- u spis